

Aningaasalersuinermik ingerlataqarneq pillugu inatsisip allanngortinnissaa pillugu inatsisip aamma aningaasalersuisarnermi suliffiit ilaasa allatut ilusilersornissaat atorunnaarsinnissaallu pillugu inatsisip Kalaallit Nunaannut atuutsinnissaa pillugu peqqussutinik Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut

(Inuussutissarsiornermut, Nukissiuuteqarnermut, Ilisimatusarnermullu Naalakkersuisoq)

Akissuteqaat

(Inuussutissarsiornermut, Nukissiuuteqarnermut Ilisimatusarnermullu Naalakkersuisoq)

Aappassaaneerinnineq

Naalakkersuisut sinnerlugit ataatsimiititaliap isumaliutissiissutaa qujassutigissavara, inassutigissallugulu siunnersuutip akuersissutigineqarnissaa.

Ataatsimiititaliap isumaliutissiissummini oqaatigaa kissaatigineqartoq Naalakkersuisut danskit oqartussaasuinut saaffiginnissuteqassasut, siunnerfigalugu piareersaasiortoqarnissaa § 304-ap allanngortinneqarnissaanut, Aningaasalersuinermik ingerlataqarneq pillugu inatsisip Kalaallit Nunaannut taamaallaat atuuttumik allanngortinnissaa pillugu.

Naalakkersuisut kissaataasoq taanna naamassiniarpaat, Naalakkersuisullu ataatsimiititaliamut ilisimatitsissutigereerpaat tamanna pillugu danskit naalakkersuisui saaffigineqassasut.

Naalakkersuisut sinnerlugit taamatut oqaaseqarlunga ataatsimiititaliaq qutsavigissavara suliaat pillugu, siunnersuullu saqqummiunneqartoq akuersissutigineqassasoq inassutigissallugu.